

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 645. Exhæredatio quid sit.

---

[urn:nbn:de:hbz:466:1-73957](#)

duos semisses, quorum unus cedat duobus illis conjunctim nominatis; cum conjuncti unius potestate fungantur. L. 11. & 59. §. 2. ff. de hered. inst. alter semissis alteri lejunctim nominato. Menoch. L. 4. præsump. 18. num. 10. citatis plurimis. Si tamen frater & defuncti fratris filii instituti simpliciter, fratris filii collectivè sumpti unum semissem accipient. Durant. de arte test. c. 4. cauel. 3. Lauterb. l. c. §. 14. Quia in dubio testator juris communis dispositionem secutus videtur. Si vero instituti addita particula agne, simul omnes & singuli in capita in aequalibus portionibus instituti cenfentur; Lauterb. l. c. citans. L. 13. ff. de hered. instituend.

3. Resp. Tertiò: possunt quoque plures simul instituti heredes in rebus certis, sive ea sint aequalis, sive inaequalis valoris. v. g. unus in vinea, alter in agro, alius in domo, ut supponit AA. in quo calu quis eorum capit rem illam certam, in qua institutus, tanquam prælegatum; in reliqua vero hereditate aequaliter, ac si nullæ illis adscriptæ partes essent, succedunt. L. 35. juncta. L. 9. §. 13. ff. de hered. inst. Sichard. ad L. quoties. 6. cod. num. 6. Donell. ibid. num. 5. Tusch. lit. 7. concl. 232. Hunn. l. c. num. 15. Reiffenst. b. t. num. 46. Struv. in ff. de hered. Inst. th. 6. lit. 1. Muller. ibidem. ubi ait: pars, quæ vacat, cuiilibet pro rata portione, in qua institutus heres, tacite accrescit. Cui posteriori contrarium videtur dicere Lauterb. l. c. §. 15. dum ait: hoc casu rerum mentiones detrahuntur, & hereditas in aequalibus portiones dividitur, etiam si magna sit disparitas rerum, in quibus institutus, cuius contentit Reiffenst. citatis pro eodem Haunold. l. c. num. 303. Perez & alius, addita tamen limitatione: nisi manifestè constet, voluntatem testatoris fuisse, ut sicut inaequaliter instituti in rebus certis, ita etiam inaequaliter succedant in reliqua non determinata hereditate. Quod si vero institutio plurium facta est difformiter, id est, aliqui instituti in re certa, reliqui simpliciter seu universaliter in indeterminata parte, nimis in reliqua parte hereditatis, sive quæ est extra res illas certas. v. g. testatore dicente: Titum & Cajum pro hereditibus instituo, & volo, ut Titio pro portione sua hereditaria obveniat mea domus; in eo inquam casu ij, qui in certa re instituti, venient tantum ut legatarii, & solum quod ad externam verborum formam vocantur heredes, remque illam certam capiunt tanquam legatum. Lauterb. l. c. §. 17. Reiffenst. b. t. num. 427. juxta clarum textum. L. 13. c. de hered. inst. ita tamen, ut, si universaliter seu simpliciter instituti deficiant, & hereditatem adire nolint; ij, qui in certa re instituti gaudeant iure accrescendi, & ad eos tota devolvatur hereditas. Lauterb. l. c. Eft tamen hic faciendum differunt inter instituti in certa re & instituti in certa parte, quales dicuntur, quibus assignata certa pars hereditatis. v. g. bes, quadrans, triens absque eo, quod assignatum individuum aliquod, aut certa quantitas, licet talis certa pars multa & varia complectatur individua rerum, & varia pecuniarum quantitates efficere possit; hi enim non veniunt nomine legatariorum, sed heredum, cum ut dicitur. cit. L. 13. omnibus hereditariis actionibus uti & conveniri possint, absque eo, quod harum actionum occasione heredum ex certa parte scriptorum diminutio fiat. Atque in hoc casu, si partes assignatae adaequent alsem, nihil mutatur in institutione, nec quicquam supererit, de quo

queri possit, ad quem pertineant. Si sunt supra alsem. v. g. tres ex semisse instituti, & sic faciant 18. uncias, singulis portionibus hereditarii uncia, quæ supra alsem sunt, decrescent, vel res ad dupondium deducitur, seu hereditas tota, quæ alias in 12. uncias dividii solet, dividenda in duplo plures uncias seu partes (non enim necesse est, ut tempore testator in 12. uncias dividat, sed potest tot partes facere, quot voluerit. Muller. cit. th. 6. lit. A.) nempe 24. uncias superflua accrescant singulis pro portione hereditaria. §. 7. & 8. Inst. & L. 13. §. 4. ff. de hered. inst. Si partes assignatae sint infra alsem. v. g. tres, & singuli ex quadrante instituti, portio vacans singulis pro portione hereditaria accedit, ita Lauterb. §. 16.

### Quest. 645. Exhereditatio quid sit.

1. R Esp. Exhereditatio, comprehendit simul conditions ad eam essentialiter requisitas describi potest, quod sit exclusio heredis alias necessario instituendis hereditate futura, facta simpliciter & purè in testamento expressis verbis ex causa legitima & probata. Dicitur primo: hereditis necessarij instituendi: quibus verbis comprehenduntur tam descendentes respectu ascendentium; quam ascendentes respectu descendientium; cum tam liberi parentes, quam parentes liberos exhereditare possint. Auth. non licet. c. de liber. præter. Muller. ad stru. in ff. de liber. & postb. hered. inst. velexheredand. th. 32. lit. a. Excludunt vero extranei, qui non dicuntur propriè exhereditari. & inter hos consanguinei & collaterales omnes, etiam fratres; quamvis & hi in casu, quo turpis persona est heres, ex causa legitima exhereditari possint. De quo vide Reiffenst. b. t. num. 506.

Dicitur secundò: ab hereditate simpliciter, id est, universa, seu ab omnibus bonis paternis; non enim rectè quis dicitur exhereditari in certa aliqua parte hereditatis, non obstante, quod possit quis in re certa tantum institui. Lauterb. ad ff. de lib. & posthum. hered. inst. vel exhered. §. 6. Reiffenst. b. t. num. 479. Arg. L. 19. ff. de liber. & posthum. ubi etiam assignatur ratio disparitatis; quod causa institutionis benignè accipiat & exhereditatio non sint adjuvanda.

3. Dicitur tertio: facta pure, id est, non sub incerto pendentis conditionis eventu. Muller. ad ff. de liber. & posthumis. th. 32. lit. c. ex ea etiam ratione, quod liberi non nisi cum certo iudicio removendi sint à parentum successione; iudicium autem non videatur satis certum, quod suspeditur in futurum eventum. His non obstante, quod institutio fieri possit sub conditione tam potestativa quam casuali; cum institutio sit favorabilis, exhereditatio odiosa. Muller. l. c. cum Zoës. ad ff. de liber. & posthum. inst. Wissenb. exercit. I. I. th. II. Excipit tamen Muller. cum Brunem. ad tit. eund. casum, quo filius sub conditione institutus, sub conditione contraria exhereditetur. citans pro hac, L. 4. c. de inst. & sub inst.

5. Dicitur quartò: futura: siquidem bona paterna vivente testatore non dicuntur propriè hereditas, sed patrimonium, & non nisi post mortem testatoris hereditas. Unde licet vivo testatore exhereditatio scribi possit in testamento, non tamen nisi post mortem illius effectum habet.

5. Dicitur quinto: facta in testamento: non enim siest in codicillis; cum institutio & exhereditas sint

notæ

nota propriae testamenti. §. 3. Inst. l. 7. c. de codicill. L. 14. de testam. Lauterb. l. c. §. 4. Müller. l. c. Unde etiam non vales exhaereditatio facta in divisione bonorum a parentibus inter liberos. Lauterb. l. c. cum Stryck. tr. de cauel. testam. c. 19. §. 13. & qui- dem ut exhaereditatio legitime & recte facta sit, requiri, ut sit facta in testamento solenniter facto, & omnibus numeris absolta, ait Muller. l. c. juxta. §. 34. Inst. de Legat.

6. Dicitur sexto: *verbis expressis*: quod spectat, ut fiat verbis dispositivis, nominando filios singulos nomine proprio & cognominem, quos exclusos ab haereditate cupit, juxta pr. & §. 3. Inst. de exhered. Muller. l. c. nisi tamen unicus sit filius vel filia; hunc enim suo nomine vocare necesse non est; sed sufficit dicere: filius meus exhaeres esto. §. 1. Inst. eod. & per hoc postissimum differt exhaereditatio a præteritione, quæ est pura oppressione haereditum ab intestato ve- nientium. L. 1. c. de lib. & posth. & hac præteritione quasi tacita exhaeratione sine expressa exhaeratione testamentum nullum est quo ad institutionem; cum exhaereditatio non minus quam institutio sit caput & fundamentum testamenti. L. inter cate- ra. de liber. & posth. Vasc. de success. L. 2. §. 14. n. 142.

7. Dicitur septimo: *ex legitima causa*: si enim facta exhaereditatio sine ulla causa, vel cum aliquali quidem causa, non tamen legitima & sufficiente, iniqua & nulla est, testamentumque ipsum nullum erit quo ad institutionem juxta Novell. 115. c. 3. in pr. & fin. & Author. ex causa. c. de liber. præterit. dum autem cit. Novell. dicitur testamentum eva- cuari, everti, rescindi, id intelligendum, non per querelam inofficiosi testamenti; sed ipso jure. Arg. L. ult. c. de liberor. præterit. dum ibi vers. sancimus. Dicitur ipso jure everti. Muller. l. c. lit. v. cum Ba- chov. ad pr. inst. de inoff. testam. num. 5. contrarium tamen sententibus Treutl. vol. 1. d. 11. tb. 1. lit. h. Fachin. L. 4. controv. c. 9. Zoës. ad ff. de liber. & posth. n. 1. & seq.

8. Dicitur octavo: *causa expressa in testamen- to*: intellige, specificè & nominativi juxta cit. no- velli. & quod nisi factum, idem est quo ad effectum, ac si nulla vel illegitima causa allegata, quemadmo- dum, sicut in eo, num tale testamentum, in quo causa non expressa, vel non expressa specificè, sit nullum ipso jure; an stricto jure valeat, & solum rescindendum per querelam (quæ intra quinquennium proponi debet, dum alias, si nullum ipso jure, agi possit per 30. annos, ut Muller. l. c. cum Viglio. ad pr. Inst. de inoff. testam. num. 4) controvertunt AA. ita quoque contravertunt, num tale testamentum nullum quo ad institutionem, substitut tamen, & everti nequeat quo ad legata & fideicommissa; an vero corrut quoque quo ad hæc. Posteriori tenent Vasc. de success. progres. §. 14. num. 125. Franzk. exercit. 6. q. 3. Cujac. in l. 17. ff. de inoff. rupt. & irrit. testam. &c. in l. 4. ff. de liber. & posth. inst. Treutl. vol. 1. d. 13. tb. 7. lit. c. & alii apud Müller. l. c. Prius, nempe sustineri & conservari illud quo ad legata, non quidem ex iuri antiqui dispositiones; sed ex speciali beneficio legi scilicet cit. Novell. 115. & Author. ex causa tenent Paris. L. 2. cons. 60. num. 36. qui testatur de communi. Clar. §. testam. 9. 52. num. 1. Fachin. L. 4. controv. 10. & l. 6. c. 77. Arunae. exercit. 10. tb. 2. Donell. ad cit. Author. num. 7. Hunni. var. refol. 2. tr. 5. q. 12. & 13. & alii, quos citat & sequitur Muller. l. c. ex ea etiam ratione quam afferit Clar. quod cum injuria facta filio exhaereditato sit, tantum quo ad institutionem,

valde rationabile sit, ut in ea tantum parte annulle- tur testamentum, in qua peccatum. Non obstante huic sententiæ, quod nemo ex parte testatus, & ex parte intestatus decidere possit; cum id verum in casu, dum ab initio ita testatur de parte tantum bonorum, & sic decedit; non vero, dum ab initio te- status est de omnibus bonis, & ex post testamento pronunciato nullo, testatus pro parte, scilicet quod ad legata, & pro parte, scilicet quod ad institutionem, intestatus decedit, ut id fieri posse constat ex L. 15. §. fin. ff. de inoff. testam. Muller. l. c. Porro disposita per. Author. ex causa & Novell. 115. de nul- litate testamenti quod ad institutiones ratione præteri- tionis non expressa illius causâ locum habent, non tantum in præteritione facta de filio per matrem aliisque ascendentis per lineam maternam (quæ al- lias facta cum causa habetur pro exhaeratione, ut Clar. l. c.) ut volunt aliqui apud eundem; sed etiam in filio a patre præterito; idque non tantum suo, seu in patris potestate constituto, ut communiter omnes, sed & in filio emancipato, ut cum Bart. & Jason. in cit. Author. Clar. l. c. additafatione; quod valde inconveniens esset, filium emancipatum esse melioris conditionis quam suum. Item locum habent tam in filio jam nato scienter a patre præterito, quam in posthumo. Clar. num. 3. citatis pluribus aliis. Se- cucus, seu locum non habent in filio posthumo igno- ranter præterito, ut Idem num. 4. citatis aliis con- tra Paris. cit. cons. 60. n. 60.

9. Dicitur denique: *probata*: ut enim sustineatur testamentum & exhaereditatio, requiritur causam illius testamenti insertam legitimè pr. Bari. Arg. cit. Novell. 115. c. 3. & ubique non probatur, semper est locus. Author. ex causa. ut ibi Bart. num. 9. & Jason. num. 8. Alex. num. 8. Corn. L. 2. cons. 158. col. 5. lit. r. & alii quos citat & sequitur Clar. num. 6. item Müller. l. c. lit. d. debetque fieri hæc probatio pri- haeredem scriptum; in quo correcta sunt iura anti- quæ. L. 28. c. de inoff. testam. vii. quotum exhaereditato incumbebat onus probandi suam innocentiam. Muller. l. c. lit. y. eo quod leges non presumantur liberos parenti odio suis sine magnis & gravibus causis, quibus parent provocatus fuerit ad exhaera- ditionem. De cetero ubi exhaereditationis causa a testatore omissa in testamento, ad eam probandum haeres institutus audiendus non est. Muller. l. c. tb. 33. lit. a. Ubi vero ea non inserta testamento, vera quidem est, sed haeres eam probare nequit, filium, eti consensu sit veritatis, agere posse contra testa- mentum, tum quia leges solum validam volunt ex- haereditationem, quando causa probatur; tum eti- am quia exhaereditatio est pena; hæc autem non debeatur, nisi delictum probetur, affirmat Molini, apud de Lugo. de 7. & 9. Tom. 2. d. 24. num. 165. qui tamen ipse ait, quod si haeres defterat rem jura- mento filii, hic debet confiteri, saltē si juridice interrogetur, præcedente semi-plena probatione, vel iis, quæ alias sufficiente in aliis delictis, ut feus teneatur confiteri. Illud hic notandum, conditio- nes ad liberorum exhaereditationem requiras easdem quoque requiri ad exhaereditationem parentum & ascendentium, ut constat ex Novell. 115. c. 4. & Novell. 22. c. 47.

Quæst. 646. Quenam sint causæ legitime exhaereditationis.

1. R Esp. Primo in genere; dum causarum ha- rum tam exhaereditationis liberorum 14; quam parentum 8. enumerantur in cit. Novell. 115. c. 4. nequaquam mens Imperatoris fuit eas dicto nu-